

Broj: 01-2-40/24

Datum, 11.01.2024. godine

U skladu sa članom 71. Zakona o visokom obrazovanju („Službene novine Kantona Sarajevo“, broj: 36/22), člana 33. Pravila Fakulteta i člana 6. Zakona o kontroli i ograničenoj upotrebi duhana, duhanskih i ostalih proizvoda za pušenje („Službene novine Federacije BiH“, broj 38/22), Dekan Fakulteta donosi

ODLUKU O ZABRANI PUŠENJA

I

U cilju zaštite zdravlja uposlenika i studenata, a u smislu odredbi člana 6. stav (1) Zakona o kontroli i ograničenoj upotrebi duhana, duhanskih i ostalih proizvoda za pušenje (u daljem tekstu: Zakon) zabranjuje se pušenje duhanskih i srodnih proizvoda, biljnih proizvoda i upotreba elektroničkih cigareta s nikotinskim punjenjem ili bez nikotinskog punjenja i vodenih lula u svim zatvorenim i otvorenim prostorima Univerziteta u Sarajevu-Fakulteta islamskih nauka (dalje u tekstu: Fakultet).

II

Pod zatvorenim prostorija Fakulteta smatraju se: amfiteatar, učionice, atrijski hodnici, stepeništa, sanitarni prostori, predvorje Fakulteta, dekanat, čitaonica, biblioteka, restoran (kantina) te pripadajući prostori kao i hodnici, prostorije za odlaganje sredstava za čišćenje, te svi ostali prostori koji se nalaze unutar zidova glavne i pomoćne zgrade Fakulteta, kao i Centra za Kur'an i Sunnet.

Pod prostorima Fakulteta koji predstavljaju funkcionalni dio prostora u kojima se obavlja obrazovna djelatnost Fakulteta podrazumijeva se ograđeni otvoreni prostor, dvorišta, prostor ispred pročelja i ulaza u dvorišni prostor glavne i pomoćne zgrade Fakulteta s ulične strane u širini do 20 metara, prostor ispred bočnog ulaza u glavnu zgradu u širini od 20 metara, kao i parkirališni prostor Fakulteta.

III

Odredbe I. i II. ove Odluke o zabrani pušenja u zatvorenim i otvorenim prostorima Fakulteta odnose se na sve studente, zaposlenike, na vanjske korisnike prostora Fakulteta, kao i na sve druge osobe koje povremeno ili privremeno borave u objektu Fakulteta.

IV

Protiv studenata i zaposlenika Fakulteta koji se ne pridržavaju odredbi ove Odluke pokrenut će se odgovarajući postupak u cilju utvrđivanja odgovornosti zbog narušavanja utvrđenih zakonskih odredbi. Vanjskim korisnicima objekta može se otkazati daljnje korištenja prostora Fakulteta.

V

U svim zatvorenim prostorima i mjestima rada na Fakultetu postaviti će se jasno vidljiva upozorenja koja se sastoje od grafičkog znaka zabrane pušenja i teksta koji glasi: „zabranjeno pušenje“.

U prostorijama i mjestima rada ne smiju biti postavljene pepeljare ili druge posude koje mogu poslužiti za odlaganje pepela.

VI

Ova Odluka stupa na snagu danom donošenja i objavljuje se na oglasnoj ploči Fakulteta i na internet stranici Fakulteta.

DEKAN:

Prof. dr. Mustafa Hasani



Dostavljeno:

- Svim uposlenicima
- 1x USFIN
- 1x Og.Pl./web
- 1x a/a.